

Ямде лий



1933 ий 1 февраль годсек лектеш.

0+



Илыш дене тӧр ошкылыт

Арамлан огул XXI курымым компьютер технологий курымлан шотлат. Илышыш у технологий йӧн-влак шынгенак пурат. Тиде йоча-влакым туныктымо пашаштат палдырна. Туныктышо-влак, федеральный государственный образовательный стандартын йодмыжым шуктен, электрон тунемме материалым кучылтын, самырык тукымым проект дене пашам ышташ кумыландат, шинчымашыштым пойдарат. Педагог-влак шкешат электрон ресурсым ямдылымашке ушнат. Теве Волжский район Карай школышто мари йылмым да литерату-

рым туныктышо Любовь Анатольевна Сергеева (снимкыште 9-ше классыште тунемше-влак дене пырля) уроклан электрон материалым ямдыла. Пашаж дене «Этнокультур сынан электрон тунемме ресурс» республикысе конкурсшко тени кумшо гана ушнен да сeгыше радмышке лектын. Моло ийлаштат пашаже-влак ойыртемаптыныт.

– Тыгай сынан материал-влак йочан кумылжым савырат, правил-влакым кучтылгын шарнаш лиеш, – оила Марий Элын калык туныктышыжо Л.А.Сергеева. – Тунемше-влак шке гыч

ышташ кумылаштыт. 9-ше классыште шинчымашым погышо ӱдыр-рвезе-влак мыйын тӱн эжертшышем улыт. Тыге туныктышо ден тунемше коклаште вашкыл пeнгыдемеш.

Л.ГРИГОРЬЕВА.
Фотом школ архив гыч налме.

«Ямде лий» газетлан 2022 ийын икымше пелийжылан подпискым ыштыме квитанцийым редакцийышке колтыза да **ЛОТЕРЕЙ** модышышко ушныза.

Тӱн приз – коньки.



Максим – чемпион



Фотом Интернет гыч налме.

10-12 декабрьште шахмат дене Европын чемпионатше онлайн эртаралтын. Тушто Сергей Карякинын школжын тунемшыже Максим ВОЛКОВ (снимкыште) тагасен. Кипр гыч Антонио Рафайльым полуфиналыште, Росий гыч Марк Нероновым финалыште сечен. 13 ияш рвезе-влак коклаште шахмат дене писын модмаште чемпион лийын. Максим 15-25 декабрьште шахмат дене Юл кундем федерал округын первенствыштыже

вийжым терга. Тагасымаш Самара областыште эртаралтеш. Сенымашым тыланена.

Х.АЛЕКСАНДРОВА ямдылен.

Арбор – ончылно

Арбор школышто физкультур урокым Л.Н.Семёнова вўда. Футбол, туризм, ече дене тўрлў кружокым эртарат. Ме уло кумылын коштына. Тунемше-влак вийыштым тагасымашлаште тергат да сенышыш лектыт. Людмила Николаевнан тыршымыжлан кўра Арбор школ – эре ончылно. Тудлан таум ойлена.

Марий Турек район.

Историйым шергалына

*1788 ий 17 декабрьште
Тригорий Александрович
Потемкин князын
вуйлатыме руш войска
Очаков турко орым сечен
налын. Тўылеч вара Очаков
Россий деке ушнен.*

Амалия ЗЫКИНА.

Школышто эн чолга

Тиде мемнан «Кечыйол» отрядна (снимкыште). Мемнам Анна Анисимова моштен вуйлата. Ксения Алексеева тўналтыш класслаште тунемше-влак деке чўчкыдын вашка. Йоча-влакым марий калык модышла дене палдара. Кирилл Сергеев – мастар

тўмырзў. Ксения Яндакова сылнын сўретла, пырдыжгазетым ямдыла. А мый школысо «Рвезе тукым» йоча ушемн дружине вуйлатышыже улам. Ме келшен илена да чолгалык дене ойыртемалтына.

Дмитрий ЕГОРОВ.
Морко, Шўргыял.



Фотом школ архив гыч налме.

Российысе увер

3-14 ияш ўдыр-рвезе-влак, «Самый-самый новогодний дом!» всероссийский сўрет конкурсыш ушныза. Пашам 20 декабрь марте колтыза. Тўрыс уверым tuntuk.ru сайтыште ончыза.

7 ияш деч кугурак ийготан ег-влак «С небес летят чудесные снежинки» всероссийский усталык конкурсышто тагасен кертыт. Келшыше номинацийым ойырен, пашам 23 декабрь марте колтыман. Тўрыс увер – vsekonkursy.ru сайтыште.

«Расскажи мне историю, достойную репоста» всероссийский фоторепортаж конкурсыш 9-11-ше класслаште тунемше-влакым ушнаш ўжыт. 10-15 фотоан фоторепортажым войзен, кеч-могай соцкылеш 31 декабрь марте верандыман.

Марий Элысе увер

Республикысе марий тўвыра рўдер 23 декабрьште М.Шкетан лўмеш Марий национальный драме театрыште «Весела У ий пайремым» эртарат. Тушко тўрлў район гыч 6-15 ияш ўдыр-рвезе-влак ушнат.

«Педагогический дебют-2021» всероссийский конкурсын финалыштыже эн сай самырык туныктышо лўмым налшаш верч 63 педагог тагасен. 2-шо номеран Медведево школышто математикым да физикым туныктышо Н.А.Сморкалов лауреат лўмым сулен.

Йошкар-Оласе 31-ше номеран школын тунемшыже Артём Макаровлан вўдыш пуренгайышым утарымыжлан «За высокую гражданственность» медальым кучыктенит. Саламлена!

Ялын ончыкылыкшо верч

Марий Эл гыч вич тунемше «Большая перемена» всероссийский конкурсышто сенгышыш лектын. Нунын коклаште Волжск олесе А.С.Пушкин лүмеш 9-ше номеран школ гыч Маша НАЗАРОВА (снимкыште) лийын. Ёдыр 10-шо классыште тунемеш. Тудо «Предпринимай» тагасыште ойыргемалтын. Вуйлатыше – ОБЖ, историй, географий дене туныктышо С.О.Петров.

– Мый Марий Элысе туризм дене кылдалтше проектым кокымшо ий возем. Тений ял туризм дене пашам ыштенам. Мыйым ялысе илыш тургыжландара. Паша вер, канде тул

укелан, Интернет начар улмылан кӧра самырык-влак олашке илаш куснат. Ончыкыжым ялым мо вуча?!

Марий Элыште могай гына сӧрал вер уке. Ялын ончыкылыкшо – мемнан, самырык-влакын, кидыште. Жапым шуйкалыде, тудым вияндыман, – ойла Маша.

Х.АЛЕКСАНДРОВА.

Фотом еш архив гыч налме.



Увер

Йоча да самырык-шамычлан

войзымо фильм-влакын «Зеркало

Будущего» IV всероссийский кинофестиваль

Горно-Алтайск олаште **26 март гыч 2 апрель марте** эртаралтеш. Самырык кинематографист-влак модыш кином, анимацийым, документальный кином да видеорепортажым войзен кертыт.

Иктыжым ойырен, пашам **20 февраль марте** колтыман. Түрыс увер – **зеркалобудущего.рф** сайтыште.



Поян тоштер

Йошкар-Олаште ятыр тоштер уло. Ача-ава дене пырля рӯдолаште лийме годым тушко пурашак тыршена. Марий калыкын ожнысо илышыжым, йўлажым келгырак пален налаш манын, Т.Евсеев лүмеш Национальный тоштерым ойырышна. Мыланем чот келшыш. Ятыр ум пален налым. Кажне экспонатым тўткын ончышым. Йоча-влак, жапым муын, марий калыкын поянлыкше дене палыме лияш тоштерышке вашкыза.

Полина АЛЕКСЕЕВА.

Йошкар-Олаште 15 тоштер уло.

Морко, Коркатово.

Марий шомакым шымлат

Советский район Кужмарий тўн школын кокымшо классыштеже тунемше-шамыч (снимкыште) «Поро шомак-влак» проектым ямдыленыт да араленыт. Йоча-влак марий поро шомаклам тўрлӧ могырым шымленыт. Проектлан материалым верысе книгагудышто, Интернет ресурсышто кычалыныт. Ача-ава-влак кугу полшышым пуэныт. Кажне проектше онай да



Фотом школ архив гыч налме.

Л.Г.ИСАЕВА, туныктышо.

Айдемын уш-акылже – тїняште ни-мо дечын кугу вий!

Миклай РЫБАКОВ.

Онай вашлиймаш

«Ончыко» журналын тўн редакторжо Игорь Попов дене вашлиймашым школышто эртарена. Уста ег сылнымут пашаж нерген каласкален, «Ончыко» журнал дене палдарен. Тудо школышто тунеммыж годым юнкор кружокыш коштын, «Ямде лий» газет дене кылым кучен. Юнкор паша ончыкылык професийым ойыраш полшен. Мемнам марий йылмым ӧрканыде тунемаш кумылан ден.

Арина ЛЕБЕДЕВА.

У Торъял, Немда.



*Книга-влак
шонгылыкын эн
сай йолташыже,
самырык пагы-
тын эн сай вуй-
латышыже улыт.*
С.СМАЙЛС.

#Луд
#Лончыло
#Лий_ончылно



Поэтессе, Россий писатель ушемын енге, Морко район Пектывайсолан ўдыржō Л.Г.ИКСАНОВА (снимкыште) 21 декабрьште 55 ийым тема. Тудын дене мутланымашым лудаш темлена.

– *Лидия Геннадьевна, тендам изи годсек «поэт» маньныт. Чонгыштыда поэзий кумыл кунам ылыжын?*

– Тўналгыш класслаштак «рифмоватленам», очыни. Школышко коштмо деч ончычак лудын-возен моштенам. Ким изам ден Венера акам почеш тунемынам. Икымше почеламутем «Самолёт» маналтын. Тудо школысо пырдыжгазетеш савыкталтын. «Ямде лий» газетыште лекше икымше почеламутем – «Шочмо ял».

– *Те «Пачемыш» журналышкат серенда. Мыскаранат шўман лийында?*

– «Пачемыш» журнал пеш онай ыле. Тунам «анекдот» умылымаш лийын огыл, векат. Тудым мыскара алмаштен. Журналым чылан налыныт. Йоча-влакат чолган возеныт. Мый пий нерген юморескым возен колтенам. Огыда ўшане! 7 тенге гононар толын.

– *Те 32 ий школышто йоча-влак дене пашам ыштеда. Ўдыр-рвезе-влакын койыш-шоктышыштым, психологи-йыштым сайын паледа. Нунылан пōлеклалтише почеламут-влак возалтыт?*

– Йоча-влаклан шукертак

Изинек поэт



#Лўмгече

возем. Патриотический шўлышан, аза малтыме почеламутем-влак улыт. Йоча поэме-шамычым серенам. Мутлан, «Ош лудо», «Анселот». Нуно марий мифологий негызеш возалтыныт.

– *Театр дене пекгыде кылым кучеда. Ятыр спектакльысе мурылан мутым возенда. «Марика» мюзикл сынан йоча пьесыда уло. Тудын дене палдарыза.*

– «Марика» – фэнтези сынан йоча музыкальный пьесе. Тушто йоча да подростко-влак кокласе кыл

ончыкталтеш. Ялысе рвезе Ямай олаш тунемаш толеш. Оласе икшыве-шамыч оксажым ондален налыт. Нунын коклаште – Марика. Тудын ача-аваже ала-кунам ялыште иленит, кызыт шкеныштым «оласылан» шотлат. Марика Ямайлан кōра уда койышыж деч утла. Пьесе келшымаш, паша, ава, марий калык нерген муровлаклан поян.

– *Юнкор-влаклан могай тыланымашда лиеш?*

– Мый шкежат «Ямде лий» дене кылым кученам. Пагалыме юнкор-влак, возыза, возыза! Возымаш пером пўсемда. Сайын тунемза. Тунемше енгына АЙДЕМЕ лиеш. Шочмо йылмым, шочмо элым, ача-авам йōратыза. Нуно мемнан шўм-чон негызна улыт.

*Пагалыме
Лидия Геннадьевна,
шушаш шочмо кечыда
дене шокшын саламлена!
Тўмо гай пекгыде тазалы-
кым, нимучашдыме пиалым,
усталык пашаште
сенымашым тыланена.
«Ямде лий» газет
редакцийын
пашаенже-влак.*

Х.АЛЕКСАНДРОВА мутланен.
Фотом еш архив гыч налме.

Синквейн

Марий йылме
Шочмо, шерге.

Туныкта, куандара, полша.
Мыланна илыш вийым пуа.

Тукымем.

Диана ДМИТРИЕВА.
Морко, Купсола.

Лудшо эн ушан

«Книга – шинчымаш памаш», – маныт калыкыште. Тудым шергалмеке, ме мом гына пален огына нал?! Мыланем сылнымутан произведений-влак келшат. Роман, фантастикке жанрла дене серымым куанен лудам. Мыйын шонымаште, книга лудшо ег эн ушан.

Катя ДРОЗДОВА.

Медведево, Куяр.



#Луд#Лончыло#Лий_ончылно




«Марла чын возена» тижка диктантыш тижем дене ен ушна. Мемнан пашаеяна Христина Александрова 2-шо верым налын. Саламлена!

Сылне мутын вийже

марий йылмым, сылнымутым, тувырам моктеныт. Тидын нерген марий йылмым да литературым туныктышо Е.И.Волкова возен. Ты районак Новый посёлкысо «Шонанпыл» йочасадыште пайрем шұлыш озаланен. Йоча-влак (снимкыште) муреныт, куштеныт, марий йомакым модын ончыктеныт. «И.Л.Кузнецова Одо кундем Грак район Починьга тўналтыш школышто шуко ий пашам ышта. Ираида Леонидовна йоча-влакым марий йылмым тунемаш шўманьда. Марий тиште кечым пеш оңайын эртарен», – увертарен Надежда Николаева.

Серышлам Л.ГРИГОРЬЕВА лончылен. И.СЕМЁНОВАН фотожо.

#Лўмгече



Лўм: Александр Александрович Фадеев.

Шочын: 1901 ий 24 декабрь Кимры олаште.

Тунемын: Владивосто-кысо коммерческий училищыште, Москосо горный академийыште.

Произведенийже-влак: «Разгром», «Молодая гвардия» роман-влак, «Разлив» повесть, «Землетрясение», «О бедности и богатстве», «Один в чаше» ойлымаш-влак да шуко моло.

Паша: «Октябрь» журналыште пашам ыштен. «Литературный газетын» тўн редакторжо лийын. СССР писатель ушемым вуйлатен.

Оңай факт: ныл ияш лудын-возен моштен.

Руш писатель А.А.Фадеевын шочмыжлан – 120 ий.



Йўкын лудына

Авам дене «Ямде лий» газетым шергалаш йўратена. Икте-васылан йўкын лудына. Кроссвордлан вашмутым кычалына. Тушто-влакым палаш келша. Мый «Ямде лий» газетым тений налаш тўналынам. Пеш сўрал, чевер да оңай газет, шергат огыл. Ёдыр-рвезе-влак, йоча газетлан возалтса да кылым кучыза!

Кирилл ВЕРШИНИН.

Шернур, Марисола.

«Визытаным нал»

Теле тылзе. Волгалтеш. Ёдыр школыш ошкылеш. Лум шыман-шыман велеш, Лывыла чылтак коеш.

Ончыч пўрдын савырна, Я модеш, я кушталта, Кумылемым савыра. «Визытаным»нал», – кўшта. Оля СТЕПАНОВА. Морко, Шап Унчо.

#Сўрет_ончер



Николай Носовын «Приключения Незнайки и его друзей» ойлымашыже почеш Костя АЛЕКСАНДРОВЫН сўретше. Волжский, Пўтъял.

Йўкын лудмо годым дикций виянеш. Раш мутланаш, чарналтыш палым чын шын-даш тунемат.

Произведенийыште мо нерген ойлалтым писынак шарнен кодат.

Йўкын лудмаш вожылмаш деч корангаш полша.

Россий Федерацийысе цифровой виянмаш, связь да массовый коммуникаций министрствын окса польшыж дене лукмо.



«Марий Швейцарий» унала вуча



Швейцарийын мотор пүртүс-шым кө огеш пале? Мыняр енгын тушко каяш чонжо йўла?! Но кажнын миен толаш йонжө уке. Ида тургыжлане, Кужэнгер район Визым ялыште «Марий Швейцарий» каныме базе уло.

Курыкан вер тиде элым ушештара. Тушто мотор пүртүс-сым эскераш, каналташ лиеш. Арамлан огыл каныме верыш түрлө эл да түрлө ола гыч уна-влак толыт. Ик ийыште – кок түжем утла. Вер чыпалан сита.

Канаш уло йон

Шке кўнчымө яндар вўдан пўя кажныжым шкеж дек ўжеш. Тушто карпым, каракам шер теммешке кучаш лиеш. Колым жаритлаш але шўрым шолташ йон уло. Кенежым квадроцикл дене кудадыштыт.

Ўдыр-рвезе-влаклан модаш йоча площадкым келыштарыме, волейболлат модаш йон уло. Телым гын курык «малаш» ок ярсе. Йоча-влакын юарлыме йўкышт торашке шергылтеш. Тура курык гыч ватрушко дене мунчалтат. Кө гын тиде «тыртышым» пеленже конда, кө гын базе гыч налеш. Ача-ава-влакат вараш огыт код. Нойымеке, шокшо мончаште каналташ лиеш. Тушко памаш вўд йоген пура.


Памаш эмла

«Марий Швейцарийыште» латныл памаш уло. Нуно тыглай огытыл. Специалист-влак, тергымекышт, вўдыштө шийым муыныт. Тыгай вўд сусырым эмла, пагар ден шолын пашаштым саемда, когаргыме деч полша.

– Ковамын каласкалымыж почеш ик памашын вўдшө шинчалан моткоч пайдале. 1960-шо ийлаште трахом чер шарлыме годым тиде вўд дене шинчам ятырын эмленят. Кызытат тудын вийжылан йшанена, – ойла

каныме базын озаже И.Р.Антонов.

Тыште памаш веле огыл, тавыжат өрыктара. Чылаже вич таве уло. Нунын историйышт онай. Ожно тувыршovyрым ямдылыме годым йытыным кучылтыныт.



Йытыным икмыняр жап вўдыштө кийыктеныт.

– Южо вере йытыным эңерыште, пўяште кученыт гын, кугезе ковам-влак тавыште нортен кийыктеныт. Кажне сурт озаватын тавыже лийын. Вес ең тудым тўкен огыл. Вўд келге лийын огыл, садлан пурам веле чоңеныт. Кидым шуен, вўдым кошталын керты-

ныт. Нине таве-влак тукым гыч тукымыш кусненыт, аралалт кодыныт. Чаманен каласаш логалеш, кажне кован лўмжым огына пале. Таве-влакым лўмдаш гын, онай лиеш ыле, – ойла Иван Робертович.

Ўстембалне – марий кочкыш

«Марий Швейцарийыш» толшо уна-влаклан экскурсийым эртарыме годым тидын нерген кумданрак каласкалат. Каныме базе деч кум менте наре тораште «Каменная гора» пүртүс заказник верланен. Тушко йолгорно нангая. Ожно тушто тыгаяк лўман ял лийын. Кызыт икмыняр тошто пörтым веле ужаш лиеш.

Тиде базыште уна-влак пайремымат эртатат. Теве ўмаште араб-шамыч эсогыл сўаным ыштеныт. Уна-влакым марий кочкыш: подкогыльо, шўрашан мелна, перемеч да моло – дене сийлат. Ик пай-

ремат тулотеш шолтымo шудан чай деч посна огеш эрте. Марий Швейцарийын моторлыкшым шке шинча дене ужаш кўлеш. Йоча-влак, теле каникул годым ача-авада дене пырля миенак толза!

Х.АЛЕКСАНДРОВА.
Фото-влакым базын архивше гыч налме.



Ий ўмбалне – колызо

Ерыште ий пенгыдеммеке, ачам дене пырля колым энгыраш мыят пеш йӧратем. Кол чўнга гын, йўштӧ чарак огыл. Йоча-влак, колым телым кучаш йӧратеда? Тугеже вўдын чот кылмымыжым вучыза. Кызыт ий ўмбаке ида пуру.



Ксения ИВАНОВА.
Звенигово,
2-шо №-ан Красногорский школ.



Авторын фотожо.

Ме кормушкым сакена,
Кайык-влакым пукшена.
Йўштӧ телым эртараш
Полшо нунылан, йолташ.
Н.ГОДУНОВА.
Йошкар-Ола,
80-ше номеран йочасад.

МЧС шижтара Россий МЧС-н Марий Эл Респуб- ликысе тўн управленийжын специалистше-влак ий ўмбаке

тўшкан лекме верлам тергат. Вўд сайын кылмен огыл, ий ўмбаке лекташ лўдыкшӧ, тўткӧ лийза.

- ➔ Вўд 10-15 сантиметр кылмен огыл гын, ий ўмбаке ида пуру.
- ➔ Ийын пенгыдылыкшым тӧрштылын але кырен ида терге.
- ➔ Чот кылмыше ийын тўсшӧ – кандалге-ужарге.
- ➔ Ий ўмбаке пычкемышалтмеке да кугыен-влак деч посна ида лек.
- ➔ Тўшкан ошкылмо годым икте-весе коклаште 4-5 метр лийшаш.

Юзо пагыт

Теле – юзо да эн йўштӧ пагыт. Пўртўсшӧ могай сылне! Лум пырче-влак кава гыч вышт-вышт шоктен велыт. Йырымваш йылгыжеш. Чон курык гыч издер дене мунчалташ ўжеш. Мый йўштӧ деч ом лўд. Тудо чурыйым веле чеверта.

Соня ШУБИНА.

Медведево, Куяр.

21 декабрь — Баскетболын шочмо кечыже.

Сўретым чийалтыза.



Рекламе.



Декабрь терлан корным почеш.
Калыкмут.



«Ямде лий» газет
Тўн редактор
Л.Н.ГРИГОРЬЕВА.
Индекс: П4696.
Тираж 1550 экз. Заказ
Формат – А-4-8.
https://vk.com/yamde_lii
<https://ok.ru/yamdelii>
E-mail: yamde_lii@mari-el.ru
(документ кагазлан),
yamde_lii@mail.ru
(автор-влаклан)
Сайтын адресше: ямделий.рф

УЧРЕДИТЕЛЬ-ВЛАК: Мари́й Эл Респу́бликысе культу́р, печать да калык-влакын пашашт шотышто министерстве, «Кугарня» газет» кугыжаныш унитарный казна предприятий.

Газетым редакцийыште по-гымо да верстатлыме, «Марий Эл Республикысе Правительствын типографийже» ООО-што ямде оригинал-макет гыч савыктыме. Типографийын адресше: 424000, Йошкар-Ола, Комсомольский урем, 112.

Газетым Кыл, информационный технологий да массовый коммуникаций сферым эскериме шотышто федеральный службын Юл кундем федеральный округысо управленийыштыже регистрироватлыме.
Номер – ПИ № ТУ52-01335,
2021 ий 29 сентябрьыште пуымо.

0+

Печатьш пуымо жап –
14-00,
фактически – 13-00

Авторын да редакцийын шонымышт тўрлӧ лийын кертыт. Серыш-влак мӧнгеш огыт колталт.
Ак – кутырен келшыме почеш.

Редакцийын да издательын адресше:
424006, Йошкар-Ола, СССР Вооружённый Вийын 70-ше идалыкше урем, 20-шо пӧрт.
Тел. 8(8362) 45-22-82(факс)

У конкурс



Юзо теле да мый

Снимкыште: **Ульяна АБЛИНОВА** (Йошкар-Ола).

Теле. Уремыште юзо шўлыш озалана. Кундемна пуйто-ший дене леведалтын. Чон пўртўс лонгашке ўжеш. Ўдыр-рвезе-влак, те курык гыч ече, издер, ватрушко дене мунчалтеда, лумьеным ыштеда. Каныш але каникул годым тўрлў вере экскурсий дене коштыда. Телымсе пўртўс лонгаште онайын войзалтса да

https://vk.com/yamde_lii тўшкашке сообщений дене колтыза. Паша-влакым газетеш да группеш верандена. Сенгышым йўклымаш йўн дене ойырена. Йўклышў «Ямде лий» – марла йоча газет» тўшкан подписчикше лийшаш.

Фотом
26 февраль
марте кол-
тыман.

Ешартыш лайкым кузе погаш?

400 лайк: 2022 ийын икымше пелийжылан

«Ямде лий» газетлан почто гоч подпискым ышташ да квитанцийжым але тудын копийжым редакцийышке колташ.

200 лайк: электрон подпискым ышташ. 89027382237

номер дене Сбербанкыш оксам колташ але тиде номерышке 150 тенгем пышташ.

Электрон почтыдан адресшым возен колташ ида мондо. Редакций гоч подпискым ыштышат тынар лайкым налеш.

Сенгышым
чапле
пўлек
вуча.



Сўретыште могай ойыртемалтше кыша уло! Мерагым кычалза.


Шылтыме цифрым пален налза.

7	3	8	6
5		7	
2	10	4	2
6		?	

Тыште мыяр кыса ден ўрш улыт? Шотлыза.



Уто лум пырчим муза.



21 декабрь – Кроссвордын шочмо кечыже.



Финн-угор калык кочкыш

Шола гыч пурлашке:

- 2. Венгр калык кочкыш. 4. Пирги – вепс калык...
- 5. ... – калыкын поянлыкше. 7. Эстон калык йўрата.
- 9. Вўдеш шолтымо лепошка (мордва калык кочкыш).
- 11. Куштылго кочкышлан шотлалтеш.

Кўшыч ўлыкў:

- 1. Ижор калыкын шўльў гыч ыштыме кочкышыжо. 3. Марий калык кочкыш. 6. Кол когыльў финнла.
- 8. Коми калыкын йўратыме кочкышыжо. 10. Манси калыкын йўратыме кочкышыжо – пўчў ...



В.СМИРНОВ ямдылен.

Интернетысе сўрет-влакым кучылтмо.